



Broj: 0101-2500-7/17  
Sarajevo, 20. 06. 2017. godine

Na osnovu člana 69. stav (2) tačka d), člana 70. stav (1), (4) i (6) Zakona o javnim nabavkama Bosne i Hercegovine („Službeni glasnik BiH“ broj: 39/14) i člana 59. Statuta Univerziteta u Sarajevu, nakon provedenog otvorenog postupka za javnu nabavku usluge-avio prevoza, na preporuku Komisije za javnu nabavku broj: 0105-2500-6/17 od 19. 06. 2017. godine, rektor Univerziteta u Sarajevu je d o n i o

**ODLUKU**  
**o poništenju postupka javne nabavke**

**Član 1.**

Prihvata se preporuka Komisije za javnu nabavku broj: 0105-2500-6/17 od 19. 06. 2017. godine i poništava postupak javne nabavke usluge: avio prevoza, iz razloga što nijedna od primljenih ponuda nije prihvatljiva.

**Član 2.**

Ova Odluka se objavljuje na web stranici Univerziteta u Sarajevu [www.unsa.ba](http://www.unsa.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

**Član 3.**

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 70. stav (2) Zakona o javnim nabavkama BiH.

**O b r a z l o ž e n j e**

Na osnovu Odluke o davanju saglasnosti na pokretanje postupka javne nabavke broj: 02-2500/17 od 04. 04. 2017. godine, Univerzitet u Sarajevu je pokrenuo otvoreni postupak za javnu nabavku usluge-avio prevoza.

Za provođenje postupka predmetne javne nabavke, Odlukom broj: 0101-2500-1/17 od 18. 04. 2017. godine, imenovana je Komisija za provođenje postupka javne nabavke usluge-avio prevoza.

Obavještenje o nabavci broj: 999-1-2-108-3-13/17 objavljeno je na Portalu javnih nabavki dana 19. 04. 2017. godine, a u „Službenom glasniku BiH“ dana 21. 04. 2017. godine, pod brojem: S1-5500-17.

Iz Izvještaja o preuzimanju tenderske dokumentacije, preuzetog sa Portala javnih nabavki dana 16. 05. 2017. godine u 10,04 sati, vidljivo je da su, u periodu koji je ostavljen za dostavljanje ponuda, sa Portala javnih nabavki Tendersku dokumentaciju preuzeli slijedeći potencijalni ponuđači: BBS Europe, ekapija doo, Infostrim d.o.o., Agencija za pravni konsalting i edukaciju "APKE", CENTROTRANS-EUROLINES D.D. SARAJEVO, Kompas Sarajevo d.o.o., GLOBTOUR EVENT DOO i Mrkulić Company d.o.o.

Iz Izvještaja o pitanjima i odgovorima u vezi sa tenderskom dokumentacijom, preuzetog sa Portala javnih nabavki dana 16. 05. 2017. godine, vidljivo je da u periodu koji je ostavljen za dostavljanje ponuda, od strane potencijalnih ponuđača, nije bilo postavljenih pitanja i zahtjeva za pojašnjenje tenderske dokumentacije.

Iz Zapisnika Komisije za javnu nabavku je vidljivo da je dana 16. 05. 2017. godine u 10,15 sati izvršeno javno otvaranje blagovremeno prispijelih ponuda slijedećih ponuđača: MRKULIĆ-COMPANY d. o. o. Dr. Mustafe Pintola 23, Sarajevo, Ilidža, KOMPAS-SARAJEVO d. o. o. Titova 8, Sarajevo i GLOBTOUR EVENT d. o. o. Dr. Silve Rizvanbegović 32, Sarajevo, Ilidža, te da na javnom otvaranju ponuda nije bilo prisutnih predstavnika ponuđača. Zapisnik sa javnog otvaranja ponuda je dana 16. 05. 2017. godine upućen putem pošte ponuđačima koji su blagovremeno dostavili ponude.

Iz Zapisnika Komisije za javnu nabavku je vidljivo da se Komisija sastala dana 19. 06. 2017. godine, radi pregleda i ocjene ponuda, odnosno da bi utvrdila da li su ponuđači ispunili uslove iz člana 45. do 50. Zakona o javnim nabavkama koji su traženi Tenderskom dokumentacijom, kao i da bi utvrdila da li su ponuđači dostavili tehnički zadovoljavajuće ponude u skladu sa zahtjevima iz Tenderske dokumentacije i da li su kvalifikovani za vršenje predmetnih usluga.

U Zapisniku o pregledu i ocjeni ponuda, Komisija za provođenje postupka javne nabavke je utvrdila slijedeće:

- da je ukupan broj pristiglih ponuda 3 (tri);
- da su blagovremeno zaprimljene 3 (tri) ponude;
- da ponude sva tri ponuđača MRKULIĆ-COMPANY d. o. o. Dr. Mustafe Pintola 23, Sarajevo, Ilidža, KOMPAS-SARAJEVO d. o. o. Titova 8, Sarajevo i GLOBTOUR EVENT d. o. o. Dr. Silve Rizvanbegović 32, Sarajevo, Ilidža, nisu prihvatljive iz razloga što u potpunosti nisu sačinjene u skladu sa zahtjevima Ugovornog organa koji su utvrđeni Tenderskom dokumentacijom.

Ponuda ponuđača MRKULIĆ-COMPANY d. o. o. Sarajevo, Ilidža je ocijenjena kao neprihvatljiva iz slijedećih razloga:

- a) Ponuđač je dostavio ovjerenu kopiju Potvrde broj: 1-4-50-625-1/16 od 16. 08. 2016. godine, izdate od strane Direkcije za civilno zrakoplovstvo BiH, o uspješnom izvršenju poslova koji su predmet ugovorene nabavke u periodu od 01.01.2015.-15.05.2016. godine, u ukupnom iznosu od 179.854,08 KM, ali u potvrdi nije navedeno šta je predmet ugovora. Članom 48. stav (3) Zakona o javnim nabavkama BiH i Tačkom 13. 4. Tenderske dokumentacije, utvrđeno je da potvrda o uredno izvršenim ugovorima mora sadržavati sljedeće podatke: naziv i sjedište ugovornih strana ili privrednih subjekata; predmet ugovora; vrijednost ugovora; vrijeme i mjesto izvršenja ugovora; navode o uredno izvršenim ugovorima.

- b) Ponuđač je dostavio ovjerenu kopiju Potvrde broj: 09-3-50-2490/16 od 10. 08. 2016. godine, izdate od strane Ministarstva spoljne trgovine i ekonomskih odnosa BiH, o urednom izvršenju usluga posredovanja u kupovini avio karata u periodu od 01.01.-31.12.2015. godine u vrijednosti od 66.022,69 KM, ali navedenom potvrdom nije ispunjen uslov u pogledu minimalne vrijednosti od 150.000,00 KM, za jedan ugovor, kako je traženo Tačkom 13.4. pod b) Tenderske dokumentacijom;
- c) Ponuđač je dostavio ovjerenu kopiju prevođa Potvrde o akreditaciji IATA dodijeljena 74-3-2037 4 (2017)-potpis Alexandra Morales-regionalni direktor za Evropu, FDS, što nije u skladu sa Tačkom 13.4. pod c) Tenderske dokumentacije, kojom je traženo da ponuđač dostavi ovjerenu kopiju originala važećeg Uvjerenja o akreditaciji IATA;
- d) Ponuđač je dostavio kopiju Pretplatničkog ugovora zaključenog dana 29.10.2014. godine između AMADEUS BH Sarajevo i MRKULIĆ-COMPANY d. o. o. Sarajevo, na period od 4 godine, koji se sastoji od 8 strana, s tim što je ovjerena kopija samo jedne stranice, što se vidi iz pečata ovjere u kojem je navedeno da je „fotokopija istovjetna sa originalom koji se sastoji od jedne stranice, a nalazi se kod stranke“. Dokumentat nije dostavljen u skladu sa Tačkom 13.4. pod d), kojom je traženo da ponuđač dostavi ovjerenu kopiju originala Dozvole za pristup jednom od vodećih međunarodnih rezervacionih sistema;
- e) Ponuđač nije dostavio popunjen, potpisan i ovjeren PRILOG VIII-B)-ugovor.

Ponuda ponuđača KOMPAS-SARAJEVO d. o. o. Titova 8, Sarajevo je ocijenjena kao neprihvatljiva iz slijedećih razloga:

- a) Ponuđač je dostavio ovjerenu kopiju Potvrde o IATA statusu (IATA kod 7432014 i 7432047)-potpis Borislav Maoduš IATA Zagreb, bez broja i datuma, iz koje se ne može zaključiti da li je dostavljena Potvrda o IATA statusu važeća, a Tačkom 13.4. pod c) Tenderske dokumentacije, je jasno navedeno da je ponuđač dužan da dostavi ovjerenu kopiju originala važećeg Uvjerenja o akreditaciji IATA;

Ponuda ponuđača GLOBTOUR EVENT d. o. o. Dr. Silve Rizvanbegović 32, Sarajevo, Ilidža je ocijenjena kao neprihvatljiva iz slijedećih razloga:

- a) Ponuđač je dostavio kopiju Pretplatničkog ugovora zaključenog dana 12.09.2012. godine, između AMADEUS BH Sarajevo i GLOBTOUR EVENT d. o. o. Sarajevo, koji se sastoji od 19 strana i Annexa 1, s tim što je ovjerena kopija samo Annexa 1. Dokumentat nije dostavljen u skladu sa Tačkom 13.4. pod d), kojom je traženo da ponuđač dostavi ovjerenu kopiju originala Dozvole za pristup jednom od vodećih međunarodnih rezervacionih sistema. Dalje, Pretplatnički ugovor je zaključen na period od 4 godine, a stupio je na snagu 12. 09. 2012. godine. Tačkom 5. Pretplatničkog ugovora je regulisano da će se nakon isteka početnog vremena trajanja, ugovor automatski obnoviti na period od jedne (1) godine, ukoliko ga ne prekine bilo koja od strana nakon što o tome devedeset (90) dana prije isteka vremena trajanja ili produženog vremena trajanja ne pošalje pismenu obavijest drugoj strani. Iz priloženih dokaza Komisija za javnu nabavku nije mogla zaključiti da li je Pretplatnički ugovor automatski obnovljen, odnosno da li ga je prekinula bilo koja strana, a Tačkom 13.4. pod d) Tenderske dokumentacije, je jasno navedeno da je ponuđač dužan da dostavi ovjerenu kopiju originala Dozvole za pristup jednom od vodećih međunarodnih rezervacionih sistema;

- b) Ponuđač je dostavio kopiju Potvrde od 10. 05. 2017. godine, izdate od strane Bekto Precisa Goražde da je sa Globtour Event, u nabavci avio karata u zadnje dvije godine ostvaren promet viši od 150.000,00 KM, kvalitetno i pravovremeno i kopiju Potvrde od 15. 05. 2017. godine, izdate od strane PHILIP MORRIS BH Sarajevo da je sa Globtour Event u nabavci avio karata u zadnje dvije godine ostvaren promet viši od 150.000,00 KM, kvalitetno i pravovremeno. Potvrde nisu sačinjene u skladu sa članom 48. stav (3) Zakona o javnim nabavkama BiH i Tačkom 13. 4. Tenderske dokumentacije, kojim je utvrđeno da potvrda o uredno izvršenim ugovorima mora sadržavati sljedeće podatke: naziv i sjedište ugovornih strana ili privrednih subjekata; predmet ugovora; vrijednost ugovora; vrijeme i mjesto izvršenja ugovora; navode o uredno izvršenim ugovorima. Tačkom 13.4. pod b) Tenderske dokumentacijom je traženo da se kao dokaz dostavi najmanje jedna potvrda o izvršenju usluge u vrijednosti od minimalno 150.000,00 KM, po jednom ugovoru, izdatu od strane naručioca usluge, odnosno druge ugovorne strane o uspješnoj realizaciji ugovora.

Na osnovu člana 69. stav (2) tačka d) Zakona o javnim nabavkama BiH, Komisija za javnu nabavku je dala preporuku rektoru da donese odluku o poništenju postupka javne nabavke usluge avio prevoza iz razloga što nijedna od primljenih ponuda nije prihvatljiva.

Iz gore navedenih razloga prihvaćena je preporuka Komisije za javnu nabavku, te je primjenom člana 69. stav (2) tačka d) Zakona o javnim nabavkama BiH odlučeno kao u dispozitivu ove Odluke.

#### **POUKA O PRAVNOM LJJEKU:**

Protiv ove Odluke može se izjaviti žalba, najkasnije u roku od deset (10) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

**Naknada za pokretanje žalbenog postupka plaća se Uredu za razmatranje žalbi, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.**

Rektor

*Za* Prof. dr. Rifat Škrijelj



Dostaviti:

1. MRKULIĆ-COMPANY d. o. o. Dr. Mustafe Pintola 23, Sarajevo, Ilidža
2. KOMPAS-SARAJEVO d. o. o. Titova 8, Sarajevo
3. GLOBTOUR EVENT d. o. o. Dr. Silve Rizvanbegović 32, Sarajevo, Ilidža
4. Prorektor za finansije
5. Izvršni direktor
6. Generalni sekretar UNSA
7. Služba za računovodstvo i finansije UNSA
8. u evidenciju javnih nabavki
9. web stranica UNSA
10. a/a

**Prilog:** Zapisnik o pregledu i ocjeni ponuda